

Z A P I S N I K

sa XII sjednice Vijeća Građevinskog fakulteta Univerziteta u Sarajevu, održane dana 07.10.2019. godine, sa početkom u 14.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici:

Dolarević dr. Samir, Hrasnica dr. Mustafa, Skejić dr. Adis, Simonović dr. Goran, Ilić-Georgijević dr. Emil, Imamović dr. Ismar, Milašinović dr. Zoran, Topoljak dr. Jusuf, Vrce dr. Esad, Pozder dr. Mirza, Mulahusić dr. Admir, Milišić dr. Hata, Medić dr. Senad, Mulić dr. Medžida, Omićević dr. Džanina, Serdarević dr. Amra, Hadžić dr. Emina, Mešić dr. Esad, Čerimagić dr. Đenari, Džebo dr. Suada, Ljevo dr. Žanesa, Šuvalija dr. Suvada, Balić dr. Anis,

Saradnici:

Nedim Kulo (G), Damir Hasanspahić (Mat.), Lazović Nerma (H), Džubur Alma (H), Šarić Ammar (S), Mladen Kapor (Kat.za geol.),

Studenti: Damir Tahirović i Izet Nanić,

ODSUTNI ČLANOVI:

Nastavnici i saradnici: Ibrahimbegović dr. Adnan, Kurtović dr. Azra, Ademović dr. Naida, Albinović dr. Sanjin, Tuno dr. Nedim, Medić Jelena (K), Suljević Samir (K), Krdžalić Dževad (G).

Studenti: Nizama Drljačić

Na prijedlog dekana usvojen je sljedeći prošireni:

DNEVNI RED:

- I Usvajanje Zapisnika sa XI sjednice Vijeća Građevinskog fakulteta, održane 23.09.2019. godine;
- II Prigovori kandidata na Preliminarnu listu kandidata koji su u prijavljeni u prvu godinu drugog ciklusa studija studijskog programa građevinarstva i studijskog programa geodezije i geoinformatike.
- III Usvajanje konačnih spiskova kandidata koji su prijavljeni u prvu godinu drugog ciklusa studija studijskog programa građevinarstva i studijskog programa geodezije i geoinformatike.
- IV Izvještaj Centralne komisije za provođenje postupka prijema kandidata u prvu godinu prvog ciklusa studija studijskog programa građevinarstva i studijskog programa geodezije i geoinformatike u drugom upisnom roku u akademskoj 2019/2020. godini.
- V Izvještaj Komisije za ocjenu radne verzije projekta doktorske disertacije pod nazivom "Analiza ultimnog opterećenja čeličnih konstrukcija uzimajući u obzir geometrijske nelinearnosti i omekšanje materijala", kandidatkinje Emine Hajdo, dipl.ing.građ,
- VI Utvrđivanje prijedloga odluke o produženju roka za izbor u više zvanje višem asistentu Emini Hajdo, dipl.ing.građ. za devet (9) mjeseci;
- VII Izvještaj Komisije za ocjenu podobnosti kandidata i teme doktorske disertacije pod radnim naslovom "Razvoj optimalnog modela za transformaciju koordinata između referentnih okvira u Bosni i Hercegovini", kandidata Dževada Krdžalića, dipl.inž.geod.;
- VIII Donošenje Odluke o izmjeni i dopuni Odluke o Listi tema završnih radova II (drugog) ciklusa studija studijskog programa geodezije i geoinformatike za školsku 2015./2016. godinu;

- IX Izmjena Odluke o utvrđivanju prijedlog za angažman akademskog osoblja sa drugih organizacionih jedinica u okviru UNSA za realizaciju naučnonastavnog procesa u akademskoj 2019./2020 godini;
- X Saglasnost za angažman prof.dr. Emila Ilića – Georgijevića na Arhitektonskom fakultetu UNSA i prof dr. Emine Hadžić n Pedagoškom fakultetu UNSA;
- XI Izvještaj Odbora za osiguranje kvaliteta o rezultatima provođenja postupka evaluacije rada nastavnika i saradnika
- XII Izvještaji Komisija za ocjenu i odbranu završnih radova
- XIII Molba za naknadni upis na fakultet kandidata : Brko Belmina, Škrijelj Mirhata, Vukašin Elek, Izudin Šabić, Azra Limo-Terzić i Ćosić Adne;
- XIV Molba studenta Mujan Eldara za odobrenje prelazak iz statusa redovnog samofinansirajućeg u status redovnog budžetski finansiranog studenta,
- XV Molba studenta Isanović Medždina za promjenu smjera na studijskom programu građevinarstva sa konstrukcija na geotehniku.
- XVI Molba studenta: Alem Šiljak, Nerman Sućeska, Berin Ahmetpahić, Ajla Karzić, Ana Božić, Larisa Lolić, Faruk Uzunović, Abdulah Maslo, Amer Hadžihasanović, Adnan Palavra, Amina Veispahić, Amir Grošić, Muris Aldobašić, Amina Čaušević za promjenu studijskog programa, sa studijskog programa geodezije i geoinformatike na moderniziran program geodeziju i geoinformatiku.
- XVII Molbom studenta Jasmina Ibiševića za mirovanje statusa studenta na fakultetu
- XVIII Razno.

Ad/I

Na Zapisnik sa XI sjednice Vijeća Građevinskog fakulteta, održane 23.09.2019. godine nije bilo primjedbi, te je isti jednoglasno usvojen.

Ad/II

Dekan navodi da je na Preliminarnu listu kandidata koji su u prijavljeni u prvu godinu drugog ciklusa studija studijskog programa građevinarstva i studijskog programa geodezije i geoinformatike, jedna kandidatkinja Adina Ademović podnijela Molbu za prebacivanje na drugi smjer.

Razmatrajući Molbu imenovane kandidatkinje Vijeće je donijelo odluku da se udovoljava istoj i primljenoj kandidatkinji Adini Ademović odobrava prelazak sa smjera saobraćajnice na smjer hidrotehnika i okolišno inženjerstvo u istom statusu, redovan budžetski finansiran student.

Ad/III

Nakon razmatranja Preliminarne liste prijavljenih kandidata za upis u prvu godinu drugog ciklusa studija studijskog programa građevinarstva i studijskog programa geodezije i geoinformatike, Vijeće je usvojilo konačne spiskovi primljenih kandidata u svim statusima – rang liste, koji su primljeni u prvu godinu drugog (II) ciklusa studija studijskog programa građevinarstva i studijskog programa geodezije i geoinformatike u akademskoj 2019/2020. godini.

Konačni spiskovi kandidata u svim statusima – rang liste, koji su se prijavili za upis u prvu godinu drugog (II) ciklusa studijskog programa građevinarstva i studijskog programa geodezije i geoinformatike u akademskoj 2019/2020. godini će biti objavljeni na oglasnoj ploči i web stranici Građevinskog fakulteta Univerziteta u Sarajevu.

Kandidati koji su prema rang listama kandidata ostvarili pravo na upis obavezni su u roku od sedam (7) dana od dana objave konačne liste prijavljenih kandidata – rang liste, dostaviti originalne dokumente Građevinskom fakultetu i izvršiti upis.

Ad/IV

Vijeće je usvojilo Izvještaj Centralne komisije za provođenje postupka prijema kandidata u prvu godinu prvog (I) ciklusa studija studijskog programa građevinarstva i studijskog programa geodezije i geoinformatike i konačne rezultate prijavljenih i primljenih studenata u prvom i drugom upisnom roku za akademsku 2019/2020. godinu.

Ad/IV

Vijeće je upoznato sa Izvještajem Komisije za ocjenu radne verzije doktorske disertacije pod nazivom: "Analiza ultimnog opterećenja čeličnih konstrukcija uzimajući u obzir geometrijske nelinearnosti i omekšanje materijala", kandidatkinje Emine Hajdo, dipl.inž.građ, zaveden pod brojem: 06-3-976-7/19 od 30.09.2019. godine.

Nakon razmatranja istog Vijeće je donijelo odluku da prihvata sa Izvještajem Komisije za ocjenu radne verzije doktorske disertacije pod nazivom: "Analiza ultimnog opterećenja čeličnih konstrukcija uzimajući u obzir geometrijske nelinearnosti i omekšanje materijala", kandidatkinje Emine Hajdo, dipl.inž.građ.

Vijeće je donijelo odluku da radnu verziju projekta doktorske disertacije pod nazivom: "Analiza ultimnog opterećenja čeličnih konstrukcija uzimajući u obzir geometrijske nelinearnosti i omekšanje materijala", kandidatkinje Emine Hajdo, dipl.inž.građ. i Izvještaj Komisije za ocjenu radne verzije doktorske disertacije pod brojem: 06-3-976-7/19 od 30.09.2019. godine, stavi na uvid javnosti.

Ad/VI

Vijeću je prezentiran Prijedlog Odsjeka za konstrukcije da se Emini Hajdo, dipl.inž.građ. u zvanju viši asistent na naučnoj oblasti „Konstrukcije“, produži rok za utvrđivanje prijedloga za izbor u više zvanje za period od devet (9) mjeseci.

U obrazloženju prijedloga navodi se da je u toku izbornog perioda imenovana zbog svog zdravstvenog stanja, teže bolesti, duži vremenski period bila spriječena intenzivno se baviti naučno-istraživačkim radom i poduzimati aktivnosti na ispunjavanju neophodnih uvjeta za izbor u više akademsko zvanje.

Odsjek za konstrukcije je procijenio da postoje naročito opravdani razlozi za produžavanje roka za izbor u isto ili više zvanje koji su vezani za zdravstveno stanje, težu bolest imenovane u toku izbornog perioda, naročito cijeneći predan rad Emine Hajdo u nastavnim i vannastavnim aktivnostima i činjenicu da je u toku završna faza na trećem (III) ciklusu studija imenovane (pozitivna ocjena radne verzije doktorske disertacije), čijim okončanjem će steći zvanje doktora tehničkih nauka što je uvjet za napredovanje.

Razmatrajući prijedlog Odsjeka za konstrukcije, a u skladu sa odredbama ZVO i Statuta Univerziteta u Sarajevu Vijeće je prihvatilo isti i donijelo odluku da se Emini Hajdo, dipl.inž.građ. u zvanju viši asistent na naučnoj oblasti „Konstrukcije“, produži rok za utvrđivanje prijedloga za izbor u više zvanje za period od devet (9) mjeseci.

Odluka Vijeća će biti dostavljena Senatu Univerziteta u Sarajevu na daljnju proceduru.

Ad/VII

Vijeće je razmatralo Izvještaj Komisije za ocjenu uslova kandidata i podobnosti teme doktorske disertacije pod radnim naslovom: "Razvoj optimalnog modela za transformaciju koordinata između referentnih okvira u Bosni i Hercegovini", kandidata Dževada Krdžalića, dipl.inž.geod., zaveden pod brojem: zaveden pod brojem 06-3-294-8/19 od 04.10.2019. godine.

Vijeće je usvojilo navedeni Izvještaj i utvrdilo da kandidat Dževad Krdžalić, dipl.inž.geod. ispunjava sve opšte uslove za sticanje naučnog stepena doktora nauka i da je predložena tema doktorske disertacije pod nazivom "Razvoj optimalnog modela za transformaciju koordinata između referentnih okvira u Bosni i Hercegovini", podobna za samostalno naučno istraživanje.

Odluka Vijeća će biti dostavljena Senatu Univerziteta u Sarajevu radi daljnjeg postupanja.

Ad/VIII

Na prijedlog Odsjeka za geodeziju i geoinformatiku, a zbog prestaka radnog odnosa prof.dr. Slobodanke Ključanin na Građevinskom fakultetu, Vijeće je donijelo odluku da se u Odluci Vijeća broj: 02-1-317-1/16 od 17.03.2016. godine u spisku mentora i članova komisija za odbranu završnih radova II (drugog) ciklusa studija studijskog programa geodezije i geoinformatike, mjenja mentor za ocjenu i odbranu završnog rada studentice Dine Šljivo, te se se umjesto prof.dr. Slobodanke Ključanin za mentora imenuje doc.dr. Nedim Tuno, dipl.ing geod.

Ad/IX

Na prijedlog prodekana za nastavu Vijeće je donijelo odluku da se utvrđuje izmjena prijedloga za angažman akademskog osoblja sa drugih organizacionih jedinica u okviru Univerziteta u Sarajevu za realizaciju naučnonastavnog procesa na Građevinskom fakultetu u akademskoj 2019./2020 godini, u svojstvu gostujućeg

akadenskog osoblja, kao predmetnog nastavnika sa maksimalnim opterećenjem propisanim Standardima i normativima, kako slijedi:

- 1.) Prirodno-matematički fakultet Univerziteta u Sarajevu
umjesto
 - Prof.dr. Suada Sulejmanović, nastavni predmet: "Fizika"
predlaže
 - Benjamin Fetić nastavni predmet: "Fizika"

Ad/X

Vijeće je dalo saglasnost:

- 1.) prof.dr. Emilu Iliću – Georgijeviću za angažman u realizaciji nastavnonaučnog procesa na Arhitektonskom fakultetu Univerziteta u Sarajevu u akademskoj 2019/20.godini za nastavni predmet:
 - Matematika 1 u I semestru I ciklusa studija, sa 1 časom predavanja i 1 časom vježbi sedmično;
 - Matematika 2 u II semestru I ciklusa studija, sa 1 časom predavanja i 1 časom vježbi sedmično.
- 2.) prof.dr. Emini Hadžić za angažman u realizaciji nastavnonaučnog procesa na Pedagoškom fakultetu Univerziteta u Sarajevu u akademskoj 2019/20.godini za nastavni predmet:
 - Građevinska tehnika I u V semestru I ciklusa studija, sa 2 časa predavanja sedmično;
 - Građevinska tehnika I u VI semestru I ciklusa studija, sa 2 časa predavanja sedmično;

Ad/XI

Doc.Žaneta Ljevo je upoznala Vijeće sa Izvještajem Odbora za osiguranje kvaliteta o rezultatima provođenja postupka evaluacije rada nastavnika i saradnika. Istakla je da je vrlo mali odziv studenata za učešće u postupku evaluacije, tako da je dobijen statistički uzorak koji je nemoguće obraditi.

Predstavnik studenata je izjavio da su studenti nezadovoljni jer nisu upoznati sa izvještajima prethodne evaluacije, dodajući da je ovo i pokazatelj koliko studenata prisustvuje predavanjima. Doc.dr. Žaneta Ljevo je istakla da sve što se može i smije objaviti objavljeno je na web stranici fakulteta.

Prof.Medžida Mulić je istakla da je Odbor za osiguranje kvaliteta otvoren za suradnju sa studentima, ali da predstavnici studenata u istom, moraju dolaziti na sastanke Odbora kako bi prenijeli stavove, mišljenja i prijedloge studenata, kako bi i Odbor mogao uraditi svoj dio posla.

Dekan ističe da je student Nanić rekao da toliko studenata dolazi i na predavanja, što je loše, kao i da je činjenica da od polovine semestra mali broj studenata koji dolaze na predavanja.

Student Nanić navodi da je jedan od uzroka tome i što pojedini nastavnici na početku semestra kažu da predavanja nisu obavezna.

Prof. Mešić ističe da ni on ne insistira da na predavanja studenti dolaze i tokom predavanja pišu poruke na mobitelu. A oni studenti koji žele naučiti dolazit će na predavanja i bez našeg insistiranja. Navodi da rezultati evaluacije trebaju nastavnom osoblju da bi nešto poduzeli.

Dekan navodi da je osnovna pretpostavka da su studenti ozbiljni ljudi i ako žele, potrudit će se da nešto nauče. Ukoliko se dogovorimo, pravit ćemo spiskove i prozivati studente.

Prof. Mustafa Hrasnica ističe da veliki broj studenata nije zainteresovano da nauči, da razumiju ono što studiraju, velika većina se ponaša kao da ih je neko natjerao da studiraju.

Student Nanić navodi da nastavnici nisu ni svjesni koliko studenti ne dolaze na predavanja, ne uče, prepisuju na ispitima.

Doc.Goran Simonović navodi da je upravo student Nanić jedan od studenata kojeg je izbacio sa ispita zbog prepisivanja.

Doc.Suada Džebo iznosi mišljenje da ima veliki broj studenata koji ne pročitaju niti jednu knjigu koju bi trebali pročitati iz nekog predmeta. Polazu na osnovu skripti, odnosno skraćenih skripti.

Student Nanić navodi da to nisu više ni skripte, nego 20 ispitnih pitanja.

Dekan navodi da je to već ozbiljan problem i da je potrebno ili da promijenimo način pripreme ispita ili promijeniti način ispitivanja pa uvesti usmeni ispit. Ističe da je oduvijek bilo prepisivanja, da je malo studenata koji žele nešto da nauče, ostali samo žele prolaznu ocjenu i diplomu.Nema šanse da nastavnici nagovore studente da ne prepisuju.Logično je da mislimo da studenti ne prepisuju, ali ukoliko znamo da prepisuju, a ništa ne poduzimamo, to nije prihvatljivo. Ono što možemo učiniti je ili da ove informacije zanemarimo ili da nađemo načina da problem riješimo. Predlaže, a Vijeće prihvata, da prodekan za nastavu sa predstavnicima studenata, uključujući i dobre studente, pripreme listu predmeta na kojima se najviše prepisuju.

Prof. Mešić navodi da je taj spisak bitan i da ćemo pokušati da nađemo način da ispite na tim predmetima koncipiramo tako da je teško prepisati.

Nakon rasprave Vijeće donosi odluku da se usvaja Izvještaj o rezultatima provedenog postupka evaluacija rada nastavnika i saradnika Građevinskog fakulteta Univerziteta u Sarajevu, u ljetnom semestru akademske 2018./2019. godine.

Nalaže se odsjecima i katedrama da razmotre Izvještaj o rezultatima provedenog postupka evaluacija rada nastavnika i saradnika Građevinskog fakulteta Univerziteta u Sarajevu, u ljetnom semestru akademske 2018./2019. godine i donesu zaključke i mjere za otklanjanje uočenih nedostataka u cilju poboljšanje kvaliteta nastave.

Ad/XII

Usvojeni su izvještaji komisija za ocjenu i odbranu završnih radova na drugom (II) ciklusu studija za:

- studentice Odsjek za geodeziju i geoinformatiku Dženane Mekić;
- studentae Odsjek za geodeziju i geoinformatiku Vinka Ruževića;
- studentice Odsjek za geodeziju i geoinformatiku Slavice Matić;
- studenta Odsjeka za hidrotehniku i okolišno inženjerstvo Numana Bajraktarevića.

Ad/XIII

Vijeću su prezentovane molbe za naknadni upis na fakultet kandidata : Brko Belmina, Škrijelj Mirhata, Vukašin Elek, Izudin Šabić, Azra Limo-Terzić i Čosić Adne.

Nakon razmatranja istih Vijeće je donijelo sljedeće odluke :

- a) Odobrava se studentu Brko Belminu naknadni upis u prvu godinu prvog ciklusa studija građevinarstva u akademskoj 2019./2020. godini u svojstvu redovnog samofinansirajućeg studenta.
- b) Odobrava se Škrijelj Mirhatu naknadni upis u prvu godinu prvog ciklusa studija građevinarstva u akademskoj 2019./2020. godini u svojstvu redovnog samofinansirajućeg studenta.
- c) Odobrava se studentu Elek Vukašinu naknadni upis u drugu godinu prvog ciklusa studija građevinarstva u akademskoj 2019./2020. godini u svojstvu redovnog samofinansirajućeg studenta.
- d) Odobrava se studentu Izudinu Šabiću naknadni upis u drugu godinu prvog ciklusa studija građevinarstva u akademskoj 2019./2020. godini u svojstvu redovnog samofinansirajućeg studenta.
- e) Odobrava se studentici Azri Limo-Terzić, studentici druge godine drugog ciklusa studija građevinarstva naknadni upis u drugu godinu drugog ciklusa studija građevinarstva u akademskoj 2019./2020. godini.
- f) Odobrava se Adni Čosić naknadni upis u prvu godinu prvog ciklusa studija građevinarstva u akademskoj 2019./2020. godini u svojstvu redovnog samofinansirajućeg studenta.

Ad/XIV

Vijeću je prezentovana Molba studenta Mujan Eldara za odobrenje prelazak iz statusa redovnog samofinansirajućeg u status redovnog budžetski finansiranog studenta.

Imajući u vidu da imenovani student nije ispunio uslov utvrđen ZVO i Statutom Univerziteta u Sarajevu, odnosno nije u prethodnoj godini na položenim ispitima postigao prosječnu ocjenu najmanje osam, Vijeće je donijelo odluku da se odbija Molba studenta Mujan Eldara za prelazak iz statusa redovnog samofinansirajućeg studenta u status redovnog budžetski finansiranog studenta pri upisu druge godine I ciklusa studija geodezije i geoinformatike u akademskoj 2019./2020 godine.

Ad/XV

Vijeću je prezentovana Molba studenta Isanović Medždina za promjenu smjera na studijskom programu građevinarstva sa konstrukcija na geotehniku.

Vijeće je donijelo odluku da se udovoljava Molbi studenta Isanović Medždina i odobrava prelazak sa smjera konstrukcije na smjer geotehnika u istom statusu, redovan budžetski finansiran student.

Imenovani student može podnijeti zahtjev za ekvivalenciju položenih predmeta i ECTS studijskih bodova u skladu sa Pravilnikom o ekvivalenciji položenih ispita na Univerzitetu u Sarajevu.

Ad/XVI

Vijeću su prezentovane molbe studenata: Alem Šiljak, Nerman Sućeska, Berin Ahmetspahić, Ajla Karzić, Ana Božić, Larisa Lolić, Faruk Uzunović, Abdulah Maslo, Amer Hadžihasanović, Adnan Palavra, Amina Veispahić, Amir Grošić, Muris Aldobašić, Amina Čaušević za promjenu studijskog programa, sa studijskog programa geodezije i geoinformatike na moderniziran program geodeziju i geoinformatiku.

Razmatrajući iste, Vijeće je donijelo odluku da se udovoljava molbama studenata:

1. Alem Šiljak

2. Nerman Sućeska
3. Berin Ahmetspahić
4. Ajla Karzić
5. Ana Božić
6. Larisa Lolić
7. Faruk Uzunović
8. Abdulah Maslo
9. Amer Hadžihasanović
10. Adnan Palavra
11. Amina Veispahić
12. Amir Grošić
13. Muris Aldobašić
14. Amina Čaušević

i pri upisu II godine I ciklusa studija geodezije i geoinformatike odobrava prelazak sa studijskog programa geodezije i geoinformatike na izmjenjen i dopunjen moderniziran plan i program studijskog programa geodezije i geoinformatike u skladu sa Odlukom Senata Univerziteta u Sarajevu.

Imenovani studenti mogu podnijeti zahtjev za ekvivalenciju položenih predmeta i ECTS studijskih bodova u skladu sa Pravilnikom o ekvivalenciji položenih ispita na Univerzitetu u Sarajevu.

Ad/XVII

Vijeće je upoznato sa Molbom studenta Jasmina Ibiševića za mirovanje statusa studenta na fakultetu.

Razmatrajući istu, Vijeće je donijelo odluku da se udovoljava molbi, te se iz opravdanih razloga (promjena mjesta boravka) studentu Jasminu Ibiševiću na određeno vrijeme odobrava mirovanje prava i obaveza studenta.

Jasminu Ibiševiću se mirovanje prava i obaveza studenta odobrava do 30.09.2020. godine.


Ad/XVIII

Pod ovom tačkom nije bilo pitanja ni prijedloga.

Sjednica završena u 15.20 sati.

Zapisnik vodila:

Sabina Bajrić, dipl. pravnik



Prof.dr. Samir Dolarević, dipl.inž.građ.

